

Teitl y Papur:	Dulliau newydd ar gyfer rheoli pysgota am eogiaid a brithyllod y môr yng Nghymru: cais arfaethedig i Lywodraeth Cymru er mwyn cadarnhau'r is-ddeddfau pysgota newydd
Cyfeirnod y Papur:	NRW B B 8.18
Noddir y Papur gan:	Ceri Davies
Cyflwynir y Papur gan:	Peter Gough

Diben y Papur:	Penderfynu / Craffu / Datblygu / Gwybodaeth
Argymhellion:	1. Rhoi sylwadau ar y diwygiadau arfaethedig i is-ddeddfau a hysbysebwyd yn flaenorol. 2. Ystyried y cynigion terfynol ar gyfer is-ddeddfau newydd ynghylch pysgota, a chytuno arnynt. 3. Ystyried y risgiau a rhoi sylwadau arnynt. 4. Cymeradwyo cais i Lywodraeth Cymru er mwyn cadarnhau is-ddeddfau newydd ar gyfer pysgota am eogiaid a brithyllod y môr â gwialen a rhwyd yng Nghymru (a fydd yn para am ddeng mlynedd gydag adolygiad llawn ar ôl pum mlynedd). 5. Bod y Bwrdd yn cael papur yn y dyfodol ar gamau gweithredu parhaus er mwyn mynd i'r afael â datblygiadau technegol a phwysau ar stociau pysgod.

Effaith: Noder – mae'n bosibl na fydd pob pennawd yn berthnasol i'r pwnc dan sylw	Sut mae'r cynigion yn y papur hwn yn helpu Cyfoeth Naturiol Cymru i gyflawni egwyddorion Deddf Llesiant Cenedlaethau'r Dyfodol o ran: Edrych ar yr <u>hirdymor</u>: diogelu stociau o eogiaid a brithyllod y môr rhag dirywio ymhellach a hyrwyddo'r gwaith o'u hadfer tuag at statws cynaliadwy. Cymryd ymagwedd <u>integredig</u>: dim ond rhan o'r stori yw dulliau rheoli pysgota – byddwn yn parhau i weithio er mwyn hyrwyddo'r gwaith o adfer ansawdd cynefinoedd afonydd. Cynnwys <u>amrywiaeth</u> o'r <u>boblogaeth</u>: mae pysgota yn ddiddordeb poblogaeth i nifer fawr o bobl, gan gynnwys yr henoed a phobl anabl. Gweithio mewn ffordd <u>gydweithredol</u>: mae gennym
--	--

	bartneriaid galluog yn yr ymddiriedolaethau afonydd ac mae angen i ni gynnal perthynas gynhyrchiol â nhw. Atal problemau rhag codi: mae'n rhaid i ni weithredu er mwyn diogelu ein stociau pysgod, gan roi cychwyn ar y gwaith o adfer stociau wrth i fentrau Cyfoeth Naturiol Cymru a phartneriaid adfer ansawdd afonydd.
--	--

1. Pwnc

Mae eogiaid a brithyllod y môr yn rhywogaethau eiconig yng Nghymru, ac eto mae stociau mewn nifer o afonydd wedi dirywio'n sylweddol dros y degawdau diwethaf ac fe'u hystyrir ar hyn o bryd yn anghynaliadwy. Nid ydym felly yn sicrhau'r manteision posibl i Gymru a fyddai'n dod yn sgil poblogaethau pysgod iach a'r pysgodfeydd y gallant eu cefnogi.

Mae statws gwael hefyd yn cyfrannu at fethiannau o dan y Gyfarwydddeb Fframwaith Dŵr a'r Gyfarwydddeb Cynefinoedd.

Mae'r papur hwn yn nodi camau gweithredu arfaethedig er mwyn mynd i'r afael ag un o'r materion sy'n achosi pwysau, sef effeithiau pysgota ar stociau anghynaliadwy. Fodd bynnag, rydym yn cydnabod bod angen parhau â'r gwaith ar bwysau eraill.

2. Cefndir

Ein hamcan cyffredinol ar gyfer stociau eogiaid mudol a brithyllod y môr yng Nghymru yw:-

“Diogelu cynaliadwyedd ein cyflenwad naturiol o stociau eogiaid a brithyllod y môr gwyllt yng Nghymru drwy gymhwyso'r arferion gorau o ran gwyddoniaeth a rheolaeth.”

Wrth fynd i'r afael â'r amcan hwn, rydym yn ystyried egwyddorion Rheoli Adnoddau Naturiol yn Gynaliadwy fel y'u diffinnir yn Neddf yr Amgylchedd (Cymru) 2016, ar y cyd â'n dyletswyddau statudol a chanllawiau cysylltiedig gan y llywodraeth. Rydym hefyd yn cadw mewn cof ymrwymïadau rhwngwladol y Deyrnas Unedig i NASCO (North Atlantic Salmon Conservation Organisation).

Wrth gyflawni'r amcan hwn, byddwn yn sicrhau pysgodfeydd cynaliadwy.

Mae statws ein stociau eogiaid a rhywfaint o'n stociau brithyllod y môr wedi achosi pryder difrifol a chynyddol. Mae'r Bwrdd eisoes wedi cytuno i ystyried a datblygu dulliau rheoli

pysgota pellach er mwyn ymateb i hyn, a wnaeth arwain ym mis Mehefin 2017 at gymeradwyaeth y Bwrdd i lansio ymgynghoriad statudol ynghylch cynigion ar gyfer dulliau rheoli newydd ar gyfer pysgota â gwialen a rhwyd.

Mae is-ddeddfau'n rhoi'r mecanwaith er mwyn rheoli gweithgarwch pysgota â gwialen a rhwyd, gan gynnwys y modd ar gyfer gorfodi pysgota dal a rhyddhau statudol, tra bo adnewyddu Gorchymyn Cyfyngu ar Rwydi yn gosod y modd statudol er mwyn cyfyngu ar y nifer o drwyddedau pysgota â rhwyd y gellir eu rhoi bob blwyddyn ar gyfer pysgota yn y pysgodfeydd â rhwyd cyhoeddus mewn aberoedd o gwmpas llawer o arfordir Cymru.

Mae dulliau newydd o reoli pysgota yn hanfodol ochr yn ochr â blaenoriaethau, mentrau a chymau gweithredu parhaus Cyfoeth Naturiol Cymru, gyda phartneriaid, er mwyn mynd i'r afael â ffactorau eraill yn amgylchedd dŵr croyw a'r môr sy'n cyfrannu at ddirywiad stociau, megis dirywiad o ran cynefinoedd, digwyddiadau o ansawdd dŵr gwael, ac ysglyfaethu.

Rydym eisoes wedi gwneud cais i Lywodraeth Cymru ar gyfer cadarnhau Gorchymyn Cyfyngu ar Rwydi newydd. Mae'r papur hwn yn gosod y camau nesaf yn y broses er mwyn diwygio dulliau rheoli pysgota, drwy geisio cael cymeradwyaeth gan y Bwrdd i barhau â'r gwaith o wneud cais i Ysgrifennydd y Cabinet er mwyn cadarnhau is-ddeddfau newydd ar gyfer pysgota.

2.1 Cynigion ar gyfer dulliau rheoli pysgota

Yn ystod proses o ddwy flynedd o 2015 ymlaen, gwnaethom ddadansoddi stociau a thueddiadau, ac ystyried opsiynau, er mwyn cyflawni ein hamcanion ar gyfer stociau eogiaid a brithyllod y môr. Crynhoir y cefndir i hyn yn Atodiad 1.

Drwy gydol y broses hon, gwnaethom gydweithio'n helaeth â rhanddeiliaid pysgota a Llywodraeth Cymru a, lle bo'n briodol, Asiantaeth yr Amgylchedd. Gwnaethom gasglu achos technegol cynhwysfawr, lle aseswyd opsiynau, a nodwyd cynnig terfynol ar gyfer is-ddeddfau newydd (Atodiad 2).

Cymeradwywyd lansiad proses ymgynghori ffurfiol (yn para 12 wythnos) gan y Bwrdd. Cafodd yr ymgynghoriad ei hysbysebu, ei hyrwyddo ar ein gwefan, ei gyflwyno i bob un o'n Grwpiau Pysgodfeydd Lleol, ei anfon yn uniongyrchol dros e-bost at bob deiliad trwydded salmonidau mudol yr oedd gennym fanylion cyswllt ar ei gyfer, a'i anfon mewn llythyr at siopau adwerthu genweirio, pysgotwyr rhwydi, a phob Aelod Cynlluniad ac Aelod Seneddol yng Nghymru.

3. Ymatebion i'r ymgynghoriad

Gwnaethom dderbyn 549 o ymatebion i'r ymgynghoriad. Roedd y rhan fwyaf o'r rhain gan enweirwyr a pherchnogion pysgodfeydd a chymdeithasau pysgota, ond cafodd ymatebion hefyd gan bysgotwyr rhwydi, cyrff anllwyodraethol a Dŵr Cymru.

Cyflwynir dadansoddiad o sylwadau yn Atodiad 3. Bydd adroddiad llawn ar yr ymgynghoriad yn cael ei baratoi er mwyn mynd gyda chais ar gyfer cadarnhau is-ddeddfau newydd yn y dyfodol.

Roedd y rhan fwyaf o fuddiannau genweirio a rhwydi yn gwrthwynebu'r is-ddeddfau i gyd neu ran ohonynt, ond roedd rhai buddiannau pysgodfeydd, a rhai sefydliadau eraill, yn gefnogol iddynt (Atodiad 4).

3.1 Dewisiadau eraill a awgrymwyd mewn ymatebion yn yr ymgynghoriad

Cawsom awgrymiadau ar gyfer amrywio'r mesurau rheoli arfaethedig, ymhlith sylwadau am faterion penodol sy'n achosi pwysau ar stociau, gan tua 100 o ymatebwyr. Caiff y rhain eu crynhoi yn Atodiad 4, ac rydym wedi eu hystyried yn ofalus iawn.

4. Diwygiadau arfaethedig i is-ddeddfau

Ar ôl craffu ar yr ymatebion yn ofalus, rydym wedi diwygio'r cynigion gwreiddiol. Caiff y rhain eu crynhoi yn Atodiad 5.

5. Mynd i'r afael â phwysau

Mae Cyfoeth Naturiol Cymru yn mynd ati'n weithredol i roi sylw i nifer fawr o bwysau sy'n cael effaith ar stociau pysgod.

Rydym yn cynnal adolygiad llawn o'r broses drwyddedu ar gyfer adar pysgysol, gan gynnwys dulliau newydd o gyfrif adar ac asesu colledion pysgod posibl, ac yn mynd i'r afael â materion o dan y Gyfarwydddeb Cynefinoedd. Wrth wneud hyn, byddwn yn ceisio profiad ac arferion gorau o awdurdodaethau eraill.

Rydym yn cynnal gwaith newydd ar gynlluniau adfer afonydd, a fydd yn cael eu defnyddio gennym, gyda datganiadau ardal a blaenoriaethau eraill, er mwyn parhau i wneud gwelliannau amgylcheddol, rheoli adnoddau naturiol yn gynaliadwy, a chyflawni ein diben.

Bydd prosesau'r datganiadau ardal yn ein helpu i nodi camau gweithredu a phartneriaid newydd i weithio â nhw er mwyn cyflawni'r rheolaeth gynaliadwy o adnoddau naturiol.

Mae ein gwaith dylunio sefydliadol yn sicrhau bod ein hadnoddau yn canolbwyntio ar waith

sy'n rhoi ffocws ar ardal, a byddwn yn ceisio defnyddio'r adnoddau hynny i gyflawni'n well ar gyfer yr amgylchedd, wrth gyflwyno newidiadau i'n hymagwedd lle bo angen.

6. Ystyriaethau economaidd-gymdeithasol

Mae pysgodfeydd eogiaid a brithyllod y môr yn cyfrannu miliynau o bunnoedd at economïau gwledig lleol, ac mae ganddynt hefyd werth cymdeithasol cysylltiedig. Ar hyn o bryd, rydym yn adolygu tystiolaeth a gyhoeddwyd er mwyn darparu metrigau priodol ar gyfer hyn, fel bod gennym safbwynt ar y cyd ynghylch pa mor fawr yw'r budd economaidd. Mae hyn oherwydd bod gwerthoedd gwahanol a weithiau hen werthoedd yn cael eu dyfynnu, ac mae angen ein bod yn diweddarau'r gwerthoedd hyn lle bo'n bosibl.

Mae bodolaeth eogiaid a brithyllod y môr yn ein hafonydd hefyd yn arwydd o amgylchedd iach. Ein nod yw cynnal a gwella'r buddion cymdeithasol ac economaidd y mae pysgodfeydd gwialen a physgodfeydd rhwyd adloniadol yn eu cynnig, wrth warchod hefyd y pysgod sy'n cynrychioli rhan mor bwysig o amrywiaeth ein bywyd gwyllt.

Wrth ddatblygu ein dull, rydym wedi cadw'r nodau a osodir yn Neddf Llesiant Cenedlaethau'r Dyfodol (Cymru) 2015 mewn cof, sef: Cymru lewyrchus; Cymru gydnerth; Cymru sy'n gyfrifol ar lefel fyd-eang. Mae'r Ddeddf yn ei gwneud yn ofynnol ein bod yn gwella llesiant cymdeithasol, economaidd a diwylliannol Cymru.

Credwn mai'r ffordd orau o wneud y gorau o lesiant a manteision economaidd ar gyfer y tymor canolig a'r hirdymor yw drwy ailosod ein stociau eogiaid a brithyllod y môr, fel eu bod yn dychwelyd i lefelau sy'n gallu cefnogi daliadau mwy o faint yn gynaliadwy. Bwriad ein cynigion rheoli yw cyflawni hyn. Rydym yn ymwybodol fod risg o leihau gweithgarwch pysgota yn y tymor byr, ond credwn fod hyn yn cael ei wrthbwyso gan y posibilrwydd o fynediad parhaus at pysgota â gwialen a rhwyd yn y dyfodol.

Mae ein cynigion yn ceisio cyflawni cynaliadwyedd yn y tymor canolig a'r hirdymor wrth sicrhau, yn y cyfamser, fod pysgota'n gallu parhau ond heb unrhyw achosion o ladd eogiaid yn fwriadol, na rhai brithyllod y môr chwaith mewn afonydd penodol.

O ystyried graddfa daliadau diweddar o eogiaid a brithyllod y môr mewn rhwydi, ni all y rhan fwyaf o'r pysgodfeydd hyn barhau i gael eu cynnal gan enillion economaidd. Mae rhai yn cydnabod y dylid ystyried gwerth diwylliannol y bysgodfa, ond nid yw'n glir fod yn rhaid i werth diwylliannol ddibynnu ar y gallu i ladd pysgod.

Ni fyddai'r mesurau sy'n cael eu cynnig ar gyfer gwiall a rhwydi yn gwahardd pysgota, dim ond lladd eogiaid yn unig, a brithyllod y môr mewn rhai lleoliadau ac ar rai cyfnodau. Byddai'r effaith gyffredinol yn llai nag y mae llawer yn ei rhagweld, ac mae'n anodd osgoi'r

casgliad fod cadw stociau gwerthfawr yn gorbwyso unrhyw effaith tymor byr ar weithgaredd economaidd.

7. Cyfarwydddeb Cynefinoedd a'r Asesiad Rheoliadau Cynefinoedd

Mae eogiaid i'w gweld mewn chwe safle sydd wedi'u dynodi yn Ardaloedd Cadwraeth Arbennig o dan y Gyfarwydddeb Cynefinoedd yng Nghymru: mae pedair poblogaeth wedi'u dosbarthu'n 'anffafriol' ac mae dwy yn 'ffafriol' (er nad ydynt wedi'u hasesu). Mae'r Gyfarwydddeb Cynefinoedd yn ei gwneud yn ofynnol bod y DU yn adrodd ar statws cadwraeth rhywogaethau dynodedig bob chwe blynedd. Roedd yr adroddiad diwethaf, yn 2013, yn nodi [statws eog yr lwerydd](#) fel 'anffafrifol–annigonol'. Mae methiannau diweddar o ran recriwtio yn golygu ei bod bellach yn debygol y byddwn yn gweld dirywiad pellach mewn stociau eogiaid, a dirywiad o ran statws i 'anffafrifol–gwael' yn adroddiad 2019. Mae felly'n bwysig ein bod yn gweithredu'r holl gamau rheoli sydd ar gael er mwyn atal dirywiad pellach, a'i wrthdroi lle bo modd.

Mae Asesiadau Rheoliadau Cynefinoedd ar y Gorchymyn Cyfyngu ar Rwydi a'r cynigion is-ddeddfau ar gyfer pysgota â gwialen a rhwyd wedi cael eu paratoi, a byddant yn cael eu rhoi i Lywodraeth Cymru ar gyfer eu proses gwneud penderfyniad.

8. Argymhellion

1. Rhoi sylwadau ar y diwygiadau arfaethedig i is-ddeddfau a hysbysebwyd yn flaenorol.
2. Ystyried y cynigion terfynol ar gyfer is-ddeddfau pysgota newydd a chytuno arnynt.
3. Ystyried y risgiau a rhoi sylwadau arnynt.
4. Cymeradwyo cais i Lywodraeth Cymru er mwyn cadarnhau is-ddeddfau newydd ar gyfer pysgota am eogiaid a brithyllod y môr â gwialen a rhwyd yng Nghymru (a fydd yn para am ddeng mlynedd gydag adolygiad llawn ar ôl pum mlynedd).
5. Bod y Bwrdd yn cael papur yn y dyfodol ar gamau gweithredu parhaus er mwyn mynd i'r afael â datblygiadau technegol a phwysau ar stociau pysgod.

Rydym yn argymhell bod y Bwrdd yn cytuno ar y cynigion arfaethedig a nodir yn Atodiad 5, ac yn cymeradwyo'r cais cynnar a fydd yn cael ei wneud i Lywodraeth Cymru er mwyn cadarnhau is-ddeddfau newydd ar gyfer pysgota â gwialen a rhwyd yng Nghymru. Rydym yn gobeithio y bydd modd gweithredu'r rhain mor gynnar â phosibl yn ystod 2018.

9. Cyfathrebu

Byddwn yn cyfathrebu penderfyniad y Bwrdd drwy'r ffyrdd canlynol: -

- E-bost at bob deiliad trwydded salmonidau mudol y mae gennym fanylion cyswllt ar ei gyfer
- Papur ar gyfer Grwpiau Pysgodfeydd Lleol
- Llythyr at siopau adwerthu genweirio
- Gosod newyddion a dogfennau ar ein gwefan

Byddwn yn dilyn y cyfathrebiadau hyn â deialog barhaus gyda rhanddeiliaid fel ein bod yn gweithio gyda'n gilydd i weithredu unrhyw newidiadau cyfreithiol.

10. Risgiau allweddol

Gwrthwynebiad parhaus:

Rydym yn cydnabod bod y rhan fwyaf o ymatebion wedi gwrthwynebu'r cynigion hyn.

Rydym hefyd yn cydnabod bod nifer o randdeiliaid wedi mynegi pryder ynghylch penderfyniadau blaenorol a wnaed gan Cyfoeth Naturiol Cymru, yn anad dim, o ran deorfeydd a chyflawni mesurau lliniaru eraill (er bod hyn yn cael effaith ar bum afon yn unig). Mae angen i ni gydnabod yr opsiynau hyn, gwella deialog gyda rhanddeiliaid, a dangos gwaith arall gan Cyfoeth Naturiol Cymru mewn ymateb i bwysau eraill sy'n cael effaith ar stociau pysgod.

Heriau cyfreithiol:

Rydym yn ymwybodol o debygolrwydd y risgiau hyn ac wedi ei asesu. Rydym wedi dod i'r casgliad fod ein camau arfaethedig yn briodol, yn seiliedig ar dystiolaeth gadarn, ac yn unol â gweithdrefnau rheoli a gymeradwywyd:

Pryderon technegol:

Rydym yn cydnabod bod angen esbonio problemau technegol yn well i'n rhanddeiliaid, a byddwn yn ceisio ffyrdd gwell er mwyn gwneud hyn.

Mae'r gwaith cynyddol ar ddynamig, targedau a chydymffurfiaeth stociau brithyllod y môr yn enghraifft dda o ddatblygiad technegol.

Mae ein gallu i asesu stociau a rhoi mesurau ar waith mewn ymateb i ddirywiad yn helaethrwydd yn waith dwys o ran adnoddau, yn ogystal â'r ffaith ein bod yn araf o ran ymateb mewn modd amserol. Mae angen system arnom sy'n ein galluogi i asesu ac ymateb i newidiadau o ran helaethrwydd stoc yn gyflymach.

Nodwn fod camau gweithredu mwy prydlon yn cael eu cymryd mewn awdurdodaethau eraill (yn yr Alban ac Iwerddon yn enwedig), ac rydym wedi ymrwymo i weithio'n barhaus gydag Asiantaeth yr Amgylchedd a CEFAS er mwyn dylunio a gweithredu asesiad blynyddol a chylch ymateb newydd erbyn amser gwneud adolygiad pum mlynedd. Rydym yn ailadrodd yr ymrwymiad hwnnw yn y fan hon.

Rydym yn dod i gasgliadau sy'n wahanol i Asiantaeth yr Amgylchedd:

Mae Asiantaeth yr Amgylchedd yn dilyn yr un gweithdrefnau rheoli ar gyfer eogiaid, ac mae risg wedi bod y byddan nhw'n dod i gasgliadau sy'n wahanol i gasgliadau Cyfoeth Naturiol Cymru.

Mae Asiantaeth yr Amgylchedd bellach wedi cyrraedd diwedd eu paratodau ar gyfer cynnal ymgynghoriad statudol, ac mae eu cynigion yn debyg i rai Cyfoeth Naturiol Cymru (Atodiad 6).

Mae ein dull o weithredu yn wahanol i ddull awdurdodaethau eraill:

Mae gweithdrefnau'n arwain at ganlyniadau eithaf tebyg yn yr Alban, Iwerddon a Gogledd Iwerddon (Atodiad 6).

Amserlen a risg o oedi wrth wneud cynnydd:

Mae cyfyngiadau o ran adnoddau yn Cyfoeth Naturiol Cymru a Llywodraeth Cymru yn cyfyngu ar ein gallu i symud tuag at gael datrysiad mwy cyflym. Fodd bynnag, mae'r ddau sefydliad yn cydnabod bod y broblem hon yn flaenoriaeth uchel iawn.

Mae'n bosibl na fydd is-ddeddfau newydd yn cael eu cadarnhau nes ar ôl dyddiadau allweddol penodol ar gyfer pysgodfeydd (gweler Atodiad 7).

Gallai unrhyw oedi olygu bod angen ailadrodd y broses gysylltu ac ymgynghori.

Pryderon o ran camau gweithredu ar bwysau eraill

Darperir rhestr o bwysau a nodwyd yn ymatebion yr ymgynghoriad (Atodiad 3).

Mae Cyfoeth Naturiol Cymru yn cydnabod nifer o'r rhain, ac mae camau gweithredu eisoes yn cael eu cymryd ar y rhan fwyaf ohonynt. Byddwn yn sicrhau bod y cynlluniau hyn yn cael eu cyfathrebu'n fwy clir.

Pryderon y Bwrdd:

Rydym wedi ymrwymo i weithio gyda'r Bwrdd ymhellach, pe bai pryderon yn codi ynghylch unrhyw un o'r materion sy'n ymwneud â'n cynigion.

11. Goblygiadau ariannol

Cyfeiriwn at bapur y Bwrdd o fis Mai 2017. Mae adnoddau technegol a gorfodi yn parhau'n heriol.

Mae camau gweithredu sydd angen eu gwneud ar bwysau sy'n cyfyngu ar stociau eisoes yn rhan o gynlluniau gwaith presennol ar draws Cyfoeth Naturiol Cymru.

Mae ein gwaith dylunio sefydliadol sy'n cael ei wneud ar hyn o bryd yn ceisio sicrhau ein bod yn gweithio mewn gwahanol ffyrdd, mewn timau mwy integredig, ac yn fwy effeithiol gyda phartneriaid, fel bod modd i ni gyflawni'r gwaith o reoli adnoddau naturiol yn gynaliadwy.

12. Asesiad o'r effaith ar gydraddoldeb

Mae asesiad o'r effaith ar gydraddoldeb wedi ei gynnal (Atodiad 8).

Rhestr o atodiadau

1. Cefndir i ddatblygiad y dulliau rheoli arfaethedig newydd ar gyfer eogiaid a brithyllod y môr
2. Cynigion a hysbysebwyd ar gyfer is-ddeddfau newydd ynghylch pysgota â gwialen a rhwyd a Gorchymyn Cyfyngu ar Rwydi newydd
3. Dadansoddiad o ymatebion i'r ymgynghoriad ar is-ddeddfau pysgota â gwialen a rhwyd arfaethedig
4. Argymhellion a wnaed ar gyfer cynigion eraill
5. Casgliadau – diwygiadau arfaethedig i is-ddeddfau
6. Trefniadau mewn awdurdodaethau eraill

Asiantaeth yr Amgylchedd: penderfyniad ar ymgynghoriad statudol ynghylch dulliau rheoli pysgota newydd ar gyfer eogiaid a brithyllod y môr

Inland Fisheries Ireland – rheoleiddio pysgota am eogiaid a brithyllod y môr yn 2018

Llywodraeth yr Alban: mesurau cadwraeth er mwyn rheoli lladd eogiaid gwyllt

Yr Adran Amaethyddiaeth, yr Amgylchedd a Materion Gwledig (Gogledd Iwerddon) – rheoliadau genweirio
7. Dyddiadau tymhorau pysgota â gwialen a rhwyd yng Nghymru ar hyn o bryd
8. Asesiad o'r effaith ar gydraddoldeb